

Námskeiðslýsing - Námskeiðsáætlun

Veturinn 2021 – 2022

Námskeiðsáætlunin nær til allrar starfsemi Landskerfis bókasafna og Rekstrarfélags Sarps.

Námskeiðshald verður með nokkuð breyttu sniði, bæði hvað varðar Gegni og Sarp. Covid og innleiðing nýs bókasafnskerfis fyrir Gegni veldur því að ekki er boðið upp á hefðbundið námskeiðahald fyrir bókasöfnin en boðið upp á fjarkynningar. Námskeið fyrir aðildarsöfn Sarps verða eingöngu í formi fjarkynninga.

Í áætluninni á bls. 4 eru tilgreindir markhópar námskeiðanna til þess að námskeið og kynningar verði hnitmiðaðri en ella. Námskeiðin eru samt sem áður opin öllu starfsfólki Gegnissafna annars vegar og aðildarsafna Sarps hins vegar. Hér fyrir neðan eru stuttar lýsingar á námskeiðunum, hvort sem þau eru í boði að þessu sinni eða ekki, ásamt námskeiðsáætlun. Athugið að dagsetningar eru settar fram með fyrirvara um breytingar og einnig er áskilinn réttur til að fella niður námskeið ef ekki næst næg þátttaka.

Öll námskeið eru gjaldfrjálts nema skráningarnámskeið í Gegni.

Gegnir og leitir.is

Einungis verður boðið upp á grunnnámskeið og útlánanámskeið í Gegni. Námskeiðin verða í formi fjarkennslu. Ef aðildarsöfn eru í vandræðum með aðra kerfisþætti þá mun starfsfólk Landskerfis bókasafna aðstoða söfnin eftir bestu getu.

Það er stefnt að því að taka í notkun nýtt bókasafnskerfi, Alma og PrimoVE frá Ex Libris, í byrjun sumars 2022. Kennsluáætlun fyrir kynningar og kennslu á nýju kerfunum verður auglýst í byrjun árs 2022.

Sarpur

Grunnnámskeið í Sarpi verður í formi fjarkennslu. Því til viðbótar verður boðið upp á fjaraðstoð sem mótast af þörfum aðildarsafnanna hverju sinni. Tilgangur aðstoðarinnar er einstaklingsmiðuð aðstoð við margvísleg vandamál í skráningu og mun fagstjóri vinna með viðkomandi að lausn vandans.

Námskeiðsskráning

Skráning fer fram á vef Landskerfis bókasafna, landskerfi.is. Nauðsynlegt er að hafa stofnað aðgang að þjónustuvefnum til þess að geta skráð sig á námskeið, [hér eru nánari upplýsingar](#). Einnig er hægt að fá aðstoð við skráningu í síma 514 5050.

Námskeiðslýsingar

Gegnis, leitir.is

1. Kennsla á nýtt bókasafnkerfi

Víðtæk kennsla á alla þætti nýs bókasafnskerfis verður frá áramótum til opunar kerfisins í byrjun sumars 2022. Námskeiðsáætlun verður sett á vefinn í ársbyrjun 2022.

2. Grunnnámskeið í Gegni

Á þessu námskeiði verður farið í grunnaðgerðir kerfisins með þarfir nýrra starfsmanna og nýrra aðildarsafna í huga.

Dagskrá:

- Almenn kynning á Gegni og tengdum kerfum
- Leitir í leitir.is
- Leitir í starfsmannaaðgangi Gegnis
- Tenging eintaka

3. Útlánanámskeið

Námskeiðið er ætlað söfnum sem nota útlánaþáttinn ásamt þeim sem ætla að byrja að nota útlánaþáttinn á næstunni.

Dagskrá:

- Útlánaaðgerðir og frátektir
- Sektir og greiðslur
- Lánþegaskráning, notendanöfn og lykilorð
- Vanskilalistar og rukk

4. Skráningarnámskeið

(Ekki í boði veturinn 2021-2022)

Aðeins þeir sem hafa sótt námskeið í skráningarþætti Gegnis geta fengið skráningarheimild í kerfið. Skilyrði fyrir þátttöku er próf í bókasafns- og upplýsingafræði og að safn viðkomandi sé aðildarsafn í Gegni. Námskeiðið er þrjú dagar.

Dagskrá:

- Leitir
- Skráningarþáttur, almenn kynning
- MARC21
- Nafnmyndaskrá / efnisorð
- Verklegar æfingar

ATH.: Hverju aðildarsafni Gegnis er heimilt að senda einn starfsmann endurgjaldslaust á skráningarnámskeið en síðan er námskeiðsgjald 44.064 kr. með vsk. á þátttakanda miðað við gjaldskrá 2020.

5. Kerfiskeyrslur

(Ekki í boði veturinn 2021-2022)

Markmið með námskeiði í kerfiskeyrslum er að auka sjálfstæði starfsmanna bókasafna í daglegum störfum. Kennit verður á kerfiskeyrslur sem gera starfsfólki kleift að útbúa útlánalista/vanskilalista, frátektarlista, lánþegalista, aðfangalista og eintakalista

6. Fræðslufundur skrásetjara

(Ekki í boði veturinn 2021-2022)

Fræðslufundur skrásetjara eru haldnir einu sinni á ári. Fundunum er ætlað að vera stuðningstæki fyrir skrásetjara. Það verður meðal annars farið yfir:

- Gæðamál
- Skráningarreglur - vafaatriði
- Samþykktir skráningarráðs
- Nýjungar í skráningarstöðlum

Sarpur

Kennsla á Sarp verður eingöngu í formi vefkynninga á Teams. Boðið verður upp á grunnnámskeið og einstaklingsmiðaða fjaraðstoð á Teams fyrir þá sem þurfa sérhæfðari aðstoð.

7. Sarpur – Grunnnámskeið

Grunnnámskeið í Sarpi verður í formi fjarkennslu.

Námskeiðið er ætlað fyrir nýja starfsmenn og til upprifjunar.

Farið verður yfir Nafnaskrána, Staðarskána, notkun efnisorða ásamt grunnskráningu í t.d. muna- ljósmynda- og listmunaskrá Sarps eins og tími gefst.

8. Sarpur – Fjaraðstoð á Teams

Fjaraðstoðin er ætluð öllum starfsmönnum aðildarsafna Sarps sem þurfa aðstoð eða svör við vandamálum. Markmiðið er að aðstoða notendur svo að þeir verði öruggari og þannig tryggja gæði skráningar í Sarpi.

Athugið: Ekki er þörf á að sitja allan tímann sem er auglýstur. Skipulagið er með því sniði að skráðir aðilar fá úthlutaðan tíma, ef aðilar eru með svipuð verkefni/vandamál er þeim úthlutað sama tímanum.

Nauðsynlegt er að þátttakendur láti vita í tölvupósti með góðum fyrirvara hvar skóinn kreppir, þ.e.a.s. hvaða þætti þeir vilja að farið sé í. Þannig getur fagstjóri Sarps skipulagt aðstoðina á sem skilvirkastan hátt.

Námskeiðsáætlun 2021 – 2022

HAUSTÖNN 2021				
	<i>Dagsetning</i>	<i>Tími</i>	<i>Staðsetning</i>	<i>Markhópur</i>
Gegnir – Grunnnámskeið	9. september	9:00 – 12:00	Vefkynning	Ný söfn og nýir starfsmenn
Gegnir – Útlánanámskeið	10. september	9:30 – 11:30	Vefkynning	Ný söfn og nýir starfsmenn
Sarpur – Grunnnámskeið	6. október	10:00 – 12:00	Vefkynning	Aðildarsöfn Sarps
Sarpur – Fjaraðstoð	7. október	9:00 – 15:00	Vefkynning	Aðildarsöfn Sarps

VORÖNN 2022				
	<i>Dagsetning</i>	<i>Tími</i>	<i>Staðsetning</i>	<i>Markhópur</i>
Sarpur - Grunnnámskeið	16. mars	10:00 – 12:00	Vefkynning	Aðildarsöfn Sarps
Sarpur – Fjaraðstoð	17. mars	9:00 – 15:00	Vefkynning	Aðildarsöfn Sarps